

sentaneum, vt diligentem se quisque diligit, et beneficij accepti immemor nequaquam existat, Idcirco hac inductus consideratione beneficiorum atque dileccionum, michi per venerabiles patres, vpsalensis ecclesie videlicet prelatos, a retroactis temporibus, beneuole factos, inmemor esse nolens Tenore presencium ad noticiam omnium volo deuenire, quod ob remedium anime mee parentumque meorum, ex consensu et voluntate expressa, dilecti fratris mej, Domini Birgeri legiferi vplandensis Curiam meam Hambra cui duodecim ore terre subiacent, secundum computacionem wlgarem et sedecim solidos terre in villa Æluerstum, parochie botuidhe kirkiu, dyocesis strengienensis situata, cum agris, pratis, siluis et piscarijs, et omnibus alijs mobilibus et immobilibus bonis, ad illa qualitercumque pertinentibus, Titulo donacionis inter viuos facte, do, confero, et assigno, ecclesie vpsalensi, Jure perpetuo possidenda, Jus omne, proprietatem, dominium, et possessionem michi in predicta Curia Hambra, predioque Æluerstum supra dictis, ac alijs omnibus et singulis, in eisdem bonis vsque ad hec qualitercumque attinentibus, in ecclesiam vpsalensem exnunc transferens, et translata esse denuncians per presentes, Que omnia in manibus Reuerendi patris domini Mei Nicolai de j gracia, eiusdem ecclesie archiepiscopi, presentibus dilecto fratre meo predicto, domino Birgero legifero, Ac alijs quam pluribus discretis, libere dimisi et eidem nomine ecclesie vpsalensis pleno jure assignaui, In huius autem mee donacionis dimissionis et assignacionis euidenciam. Memoratique fratris mej domini Birgeri legiferi, expressi consensus testimonium vna cum sigillo meo, sigillum ipsius presentibus est appensum, Actum apud ecclesiam Bredh, anno domini Millesimo. ducentesimo. Nonagesimo, Octauo, Sabbato ante Dominicam passionis proximo.

Sigillen hafva varit fästade på remsor, klippta ur brevet; blott ett fragment af N:o 2 är kvar.

1223.

1298 d. 27 Mars.

Arnö.

JOHAN ENGELS, JOHAN INGEWALDSSONS och MAGNUS GREGORSSONS öfverenskommelse med Årke-Biskopen i Upsala rörande fullgörandet af Kaniken Carl Erlandssons testamente.

A. 3. a. 4.

Omnibus presentes litteras Inspecturis JOHANNES dictus ANGELUS, JOHANNES INGIUALDSSON legifer sudhermannie Responsalis fulkonis & MAGNUS GREGORISSON Responsalis filii sui petri, salutem in domino sempiternam. Ad vniuersorum noticiam tenore presencium volumus deuenire Quod nos tractaturi de Testamento domini Karoli Erlendson, bone memorie Canonici quondam ecclesie vpsalensis, conuenientes cum venerabili patre domino Ni-

colao miseracione diuina, archiepiscopo vpsalensi, determinauimus & diffiniuimus infra scripta, que rata volumus inuiolabiliter permanere, In primis iuxta ordinacionem predicti domini Karoli, dimittimus ecclesie vpsalensi, mediam villam Baldingstadhum cum medietate bonorum omnium mobilium & immobilium ibidem, & molendinum in adhelustum, secundum modum & formam, prememorati testamenti jure perpetuo libere possidenda, Jtem ecclesie simbatunum, dimidiam Marcham terre, in villa Thighbili, in parochia baldingstum, quam sepedictus dominus Karolus eidem ecclesie restituit & persoluit, Jtem domui pauperum vpsalie, dimittimus vnam Marcham terre, in terris minutis, dictis vmiordh, que fuerunt dicti domini Karoli in haghundi & laghundi, Si vero dicte terre ad quantitatem vnus Marche terre illic inuente non fuerint, volumus quod defectus huiusmodi suppleatur per terras alias minutas eiusdem, in alijs locis, jta tamen quod si dictam domum dei adnichilari contigerit, terra predicta vna cum terris quas dominus Magnus joansson pro dicta domo deputauit, ad nos vel heredes nostros, absque contradiccione qualibet reuertantur, Jtem conuenimus cum predicto patre, quod racione legatorum aliorum in eodem testamento, monasterijs, ecclesijs, vel alijs pijs locis aut personis quibuscumque, deputamus Centum viginti Marchas den. vsualis monete, distribuendas, prout ei & domino Andree preposito ibidem, justum videbitur, & anime defuncti Judicauerint expedire, pro qua pecunie summa sibi Curiam bierghar, in færingøum, obligamus & inpignoramus redimendam ad vltimum per nos vel nostrorum aliquem, in nundinibus dictis Kyndelthing, nunc proximis que si tunc redempta non fuerit, volumus quod dicte Curie possessio simul & proprietas, ad supradictum dominum archiepiscopum, extunc deuoluatur, jta tamen, quod quantum dicta Curia secundum estimacionem bonorum hominum vltra valuerit, Tantum nobis per eundem dominum archiepiscopum refundatur, jnsuper & fructus, de dicta curia medio tempore prouenientes, in partem solutionis & redemcionis eius volumus computari, In horum autem robur & euidens testimonium sigilla nostra, ac reuerendi viri Magistri andree prepositi vpsalensis, necnon & fratris jsraelis prioris sictoniensis, qui huic nostre ordinacioni presentes fuerunt presentibus sunt appensa, datum apud arnø anno domini M°. CC°. XC°. VIII°. sexto Kal. aprilis.

Sigillen N:o 1, 3, 5 bortfallna; N:o 2, 4 skadade.